

uol
32
R. P.

FRANCISCI BOLVITI

NEAPOLITANI

CLERICI REGVLARIS

In Funere

A. R. P. D. HONORATI BROGNONICI
VERONENSIS ABBATIS OLIVETANI.

O R A T I O

Habita Verona in Templo Olivetano S. Maria de Organo

1v. Non. Septemb. Clc 13 XVII.

Et Aliorum

In eiusdem obitum Pœmata Varia.



VERONAE,

TYPIS BARTHOLOMÆI MERLI.

M D C XVII.

THE
JOURNAL OF THE

AMERICAN MEDICAL ASSOCIATION

PUBLISHED WEEKLY
CHICAGO, ILL., U.S.A.

Subscription price, Five Dollars Per Annum in Advance
Single Copies, Fifteen Cents

Entered as Second-Class Matter, May 2, 1882
Postpaid

Acceptance for mailing at special rate of postage provided for in
Act of October 3, 1917, authorized on July 16, 1918.

Postage paid at Chicago, Ill.
Postmaster: Send address changes to JOURNAL OF THE
AMERICAN MEDICAL ASSOCIATION, 535 N. Dearborn St.,
Chicago 10, Ill.

Copyright, 1958, by American Medical Association
All rights reserved

Printed at the
Chicago Press & Job Co., Chicago, Ill.

III. KAL. SEPT. CIO IO XVII.

83

AD. COELVM.

ABIT. NON. OBIT.

VBI. SEDES.

IMMO. REGNVM. IMMO. DEVS.

VILLAENOV. PRAEFECTVS. ABBAS.

IN. LAVDEM. NATVS. IN. STVPOREM. DATVS.

QVI.

HOMINIBVS. NIHIL. CEDAT.

SED. EXCEDAT.

POL.

OMNIBVS. NON. VISVS. OMNIBVS. AVDITVS.

TEGITVR. MARMORE. NON. EXTINGVITVR.

PROBE. SCITE.

FRANCISCE. BOLVITE. VETVS. NOVITIVM.

NVPERO. TVO. HOC. ADVENTV.

TANQVAM. SVBITARIVS. MILES.

PRAECONIA.

IN. VIRVM. IN. PRAESVLEM. IN. DIVVM. HONORATVM.

VENVSTE. ET. ERVDITE.

PVRVS. PVTVS. IPSVS. LIPSIVS.

ET. AMPLIVS.

FECISTI.

TOT. NOBIS. IN. TE. IVSTI. AMORIS. CAVSSAE.

SVNTO.

QVOT. IN. PVLVEREV. DENATVM. ADMIRATIONIS.

PERORANDO. EXCIVISTI.

VERONENSES. OBSEQUIOSI.

D. D.

In Orationem Funebrem
R. P. FRANCISCI BOLVITI.

Io. Antonij Lumaghæ Veronenfis.

A N A G R A M M A.

Franciscus Boluitus Neapolitanus Clericus Regularis.
Priscus eras Tullius, casu vallatus in Brognonici funere.

DVM te circumstat, docto dum pendet ab ore,
Dum tibi lata hilari fronte corona fauet,
Dum silet, & tacito fouet intus gaudia plausu,
Nec quemquam cui te compares arte videt,
Hæsit, & eloquij iam te BOLVITE parentem
Agnosçens, grati plena stuporis, ait,
Vinceret o vtinam Latia facundia lingua,
Non alio vellet Tullius ore loqui.

TVLLIVS ipse etenim CASV VALLATVS acerbo
IN BROGNONICI FVNERE TRISCVS ERAS.

Eiusdem.

. E I V S D E M .

F *Lebilem Honorato dum te pæana canentem
Audit olorino docta canore cohors,*

*Eloquio persuasa tuo Francisce beatum
Quem tu abyſſe doces, non obſiſſe putat.*

*Te fortunatum, tua quòd' ſacundia laudè
Aequalem, rerum fertilitate, canit.*

*Felicem verùm quamvis fateatur utrumq;
Nescio quid ſortis deterioris habes.*

*Nam ſua qui laudet, BOLVITO non eget ille.
BOLVITO in alio, qui tua laudet egēs.*



Eiusdem.

E I V S D E M.

Qvisquis es ò Latia caperis qui nectare lingua,
 Ansonisq; inhias lector amice fauis,
 Perlege, quidquid aures habet hac oratio, nectar
 Cum latys prabet pagina docta fauis.
 Hac tibi, quas pleno fundis facundia cornu
 Nunquam speratas suppeditabit opes.
 Si genus antiquum, titulosq;, & stemmata spectes,
 Laudatum historica si veritate virum.
 Nil nisi honoratum, nil non sublime, & auitum,
 Nil non excellens, conspicuumq;, sapit.
 Si qua dispicias oratio textitur arte,
 Utq; suis iaceant verbaq;, resq;, locis,
 Suspiciens dices, tua ni BOLVITE fuisset,
 Vix foret alterius, quàm Ciceronis opus.

E I V S D E M.

Tristis Honorati stipabat turba feretrum,
 Docte tamen, seuum pectore vulnus alens.
 Orafti BOLVITE? dolor procul omnis abiit,
 Munera, qua fuerant funera, quisq; putat.
 Latitiag; noua, mutato, in gaudia luctu,
 Latitiam applausu testificante vacat.
 Tam subiti causam plausus ne quare, loquela
 Hac poterat doctis sola placere viris.

Eiusdem

EIVSDEM.

Ad Veronam.

NE Verona nouo puta, exteroq;
 Oratore, tui trophæa ciuis,
 Abbatis simul, & simul poeta
 Ornari; igniuomo tui sepulcro
 (Quà pingues aperit Vescuus agros)
 Adnatum Historici, nefas nouumq;
 Externumq; diu putare, non est
 Laus huius noua, Plinij frequentes
 Quæ graias, latiasq; olet lucernas.
 Externum nè igitur puta, nouumq;
 Non est exterus hic, nouusq;, non est
 Laus exotica, non amica solum,
 Non est funereo dolore tantum,
 Non est obsequio parata, munus
 Non est gratuito datum, quid ergo?
 Ossium est cinerisq; Pliniani,
 BOLVITO tibi quod subinde misso;
 Soluit grata NEAPOLIS tributum.

ORATIO.

THE HISTORY

OF THE

REIGN OF
HIS MOST EXCELLENT
MAJESTY
CHARLES THE FIRST

BY
JAMES HARRISON

OF THE MIDDLE TEMPLE

ESQ; OF THE INNER TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

OF THE MIDDLE TEMPLE

ORATIO



Tertiū est dies supra vigesi-
 mum, ex quo, vt ijs morem
 gererem, quorum arbitratu
 vno, è Bononia studiorum
 matre, ad Martialem hanc
 Urbem vestram, Auditor pres
 nobilissimi sum euocatus,
 Pedem Domo vix paucies extuli, cū inopi-
 natus hodie, imparatusq; illum in hoc Tem-
 plum intuli: nec alio certè fine, nisi vt erepto
 nobis Abbati, hoc est, Scientiarum coriphæo,
 Sapientiæ pharo, Virtutum simulacro, Vero-
 nensium oculo, Oliuetani cæli astro fulgen-
 tissimo valeam parentare. O duram acerbis-
 simam! O luctuosam mæstitiam! Ergone hisce
 oculis magnificentissima huius Urbis conspe-
 cturis, suo nunc lumine iam exortibus, lachry-
 marum mox est aperiendus comitus?
 Pectus ipsum per aperta viarum spatia cam-
 posque patentes dilatandum, grauissimo do-
 lore angustatum, intercludetur? Siccine lin-
 gua, fausta isthæc vereque Magna, ad præco-
 nium vsque conclamatura, spiritu nunc ob
 dolorem in ipso faucium meatu coarctato,

B

cus

eius sit laudes commemoratūra, quem dolemus auersum, nunquam audiemus reuersum? An deliciarum hic mihi locus, quando decus omne ciuitatis occidit, humo quē iam, & saxo deliciae nostrae concluduntur? O luctuosam maestitiam! o duram acerbiteratem!

Et verò, non casu factum arbitror Auditores, ut ego penè in dicendo infans, ad id sim muneris accitus, quippe qui maiorem prae ceteris passus sum iacturam. Mærent, lugent, squalent omnes; Mæreant, lugeant, squalcant: nonne iuro? & tamen est quoque solamini locus; quoruscunque enim est, cui non datum sapientius Abbatem adire docentem, audire dicentem: eius frui colloquio, sermone dulcescere: ditari praeceptis, dotari consilijs: admirari sapientiam demirari prudentiam? Sed prohi fortem meam omni malorum satellitio stipatam, omni lachrymarum genere deplorandā: qui, quo fueram illustrandus sole, lugere cogor occasum. anxius ad sapientiae gurgitem anhelabā, & exaruit antè quàm inscitiae meae fitis extincta. parabar ad praecepta, & à morte me video delusum. non eius hausi doctrinam, & stipendiarias ei lachrymas exoluo.

Exoluo, & num me dicet aliquis alienigenam?

genam? exterum? Ciuitatis huius Nouitium? non eo inficias; & idcirco muneri, quo destinor ineptum? hoc inficias eo: Et certe sit hic Abbatis nostri laudum cumulus isque confertus coagitatusque: Etenim ubi minutula quædam ciuitatis intropicienda sunt, & abscondita, puta domibus inclusæ gazæ, arcibus occlusæ margaritæ, vniones, lapilli; isthic tempus expectetur, istis visendis congeminentur dies, conduplicentur anni: Templis vero, Foris, Campis, Vijs, Columnis, Statuis, Theatris, Mausoleis inuisendis, par sit ratio ciuitatem diu incolentis, & heri illam introgressi. Abbatis profectò nostri virtutes corpulentæ, ut ita dicam, excelssæ, magnæ, mole insignes, quid mirum si obtutum meum, & si Nouitium, & peregrinum quæquæ eum fixerim non effugiunt? Eloquar igitur Auditores, virtutesque narrabo illius. Eloquar, & si enim de amisso eloqui incrementum sit doloris, plerumque tamen est solatium dolentis, quod is quem dolemus amissum, videatur nobis in sermone reuiuiscere. Eloquar, & si vobis visus fuero præterijisse multa, multa prætermisisse, ubi lachrymas causatus fuero, subiungam, animo est factum satis meo, testes

B 2 habeo

habeo doloris quotquot hic adestis; nec erit
passus laudis dispendium Abbas, nactus erit
compedium. Vnus ego defeci laudator, mul-
ti subingressi estis encomiastæ: tacui multa,
adimplestis vos in quibus defeci, lucrosum
lucrum, cum pro vno multi, pro tantillo tanti,
pro elingui eloquentes substituuntur.

Honoratus igitur Brognonicus, sanguine
illustris, ex instituto D. Benedicti monachus
sanctissimus, litterarum splendore decoratus,
Abbasque prudentissimus, nobis dilaudan-
dus est.

Honoratus est qui laudatur, supparem eius
dignitati laudem non habemus, cuius ne no-
men quidem laude caret. pulchra laudatio,
quæ non quæritatur anxie, sed tenetur secure:
vera laudatio quam vel ipsi fateantur inimi-
ci. communis laudatio cum quis ab omnibus
laudari potest, cuiusque tot sint præcones lau-
dis, quot qui eum nominatim appellitant.
Demosthenem olim ab Atheniensibus asci-
tum, ut inaugurationem Regis cui nomen Py-
ropo à gemma ignis instar explendescente,
suo decoraret elogio, panegyrim sic exorsum
ferunt. Felix faustumque sit Athenienses.
Pyropum regem salutastis, cuncta felicia, &

ex

ex voto vobis succedent. quid hac gemma pretiosius, nobilius margarita? Pyropum Regem habetis? iucundum nomen, iucundum omen. Quàm felix Rhetor qui dilectum populo Regem, laudabat quidem ex ipso etiam nomine, sed indigitabat viuum. Ast ego? apage dolor, quid dicentem intercipis? Honoratum celebramus, nomen ipsum trophæum est virtutis. honor virtutis assecla, virtuti honor ancillatur. honoratur Honoratus (dare veniam abutar vocabulis) honoratur, & honorat. Tellurem istam, cælum quàm lumine quàm influxu ditescit; tellus influxus cælo redonat exhalationum vaporumque velo connectos, rursusque cælum, rursusque tellus succedanea munera sibi inuicem collargiuntur. sic Honoratus honorantibus reddidit vicarios honores eosque centuriatos, Patriæ, Parentibus, Religioni.

2 Quòd si ex nomine tantus honos, quantus ex cognomine? Genus ipsius laudet alius; possem quidem & ego, cùm eius stemmata à maioribus longe ducta probè norim, ad finitates validissimas, multa domi forisque præclare gesta in togata, & armata militia, consulatus in hoc patrio solo vigesies collatos. sed hæc dilau-

dilaudando viro seculari coaceruentur, Religioso, famuletur quidem eorum memoria, sed quadantenus quorumnam pro Deo sit contempta gloria pateſcat. Mihi ſat fuerit diſſiſſe, Brognonicum noſtrum generis nobilitatem parem feciſſe ſybillinæ arbori, aurea quidem ferenti poma, ſed quibus ad inferna deſcenditur; hoc eſt, ſi quis ea abutatur abiturus ſit in ſpiritus contumaces, quando nomen nobilitatis audimus, inſignia videmus, rem tamen deſideramus. Brognonicum, natalium ſplendor non infatuauit: ſuperbia, morum eius venuſtatem non deueniſtauit: genitus in optimam ſpem ſucceſſit gloriæ maiorum: reuixerunt in eo agnati ſui: non exaruit in illo ſelix familiæ vena: non eſt paſſus maiores ſuos qui mortui erant, notiores eſſe ſe, qui viuus: tabulam generis non ſordibus conſpurcavit, ſed figura condecorauit, & accedentibus generi quæ genus faciunt, nouatæ ſunt in eo laudes natalium: ſummo loco natus, ſanguinis dignitatem propria virtute cohoneſtauit.

Hoc vt faceret tutius, in conſinio ipſo pu-
bertatis ſeculum reliquit: reliquit an potius
ignorauit? Pœtas intuebatur pœmata ſua,
principibus dicare viris, quorum tutela ſufful-
ti,

ti, & ipse, Opus Dei sum ego, manuumque illius plasma, Opus Dei, Deo dicitur. Vineæ fructus plantatori debentur, elargiar me ipsum ei qui prior me mihi est elargitus. Contemplabatur mundum hunc instar esse Chirurgi primū adblandientis, tū sanguinem elicientis. Hyenæ vocem mentientis humanam, & deuorantis. Syrenes soporem conciliantis, & interficientis. Circes veneficæ homines in belluas conuertentis. Medusæ crudelis cuius inspectu lapidescunt homines. Ixionis rotæ in motu perpetuò perpetuæ. Et instar maris, vbi pluriora pericula, venti, fluctus, procellæ, scyllæ, charybdes, scopuli, syrtes, freta, euripi, remoræ, torpedines, syrenes, monstra, piratæ, quàm in isto quod terram alluit, Hæc contemplabatur, & adhuc mens eius moribus quæciebatur, quia diaboli tentationibus impetebatur: quas tunc minitabundus nectebat tricas, quas parabat insidias (sed eloquio contutatus diuino irridebat eas, & euadebat.) Nunc audire mihi videor antagonistam in agone strenuè decertantem. Famem antiquæ memor fraudis mihi suades? iam illi responsum, non in solo pane viuit homo. Opes proponis? sed qui volunt diuites fieri in la-

queum incidunt & muscipulam. Fessa ieiunij membra morbo grauante concuties? Apostoli reperiueris eloquio, cum infirmor tunc fortior sum. Minaberis mortem? audies, cupio dissolui, & esse cum Christo. Ignita iacula vibrabis? excipientur scuto fidei. Impugnabis Sathanas? rutabitur Christus. Laborauit praelians, ideo lætus laudauit victoriam. Utque in tuto esset, in portu se collocauit, & ad sacrum D. Benedicti institutum Oliuetanæ familiæ confugit, in cuius album verè album efferri voluit. O in tenella ætatula senectutem mentientem, Diaboli fraudes pertimescebar, & illi se Ordini mancipauit, cuius parens fraudulentum illius technas sexcenties delusit.

Crucior, discrucior, Auditores, nisi detur in huius candidissimi Ordinis laudes paululum diuagari, sed hem audaciam! linguam cohibere cogor, donec in dicendo infantiam demittam. Efferat eas, sed cui Mithridatis memoria, ne antiquioribus gesta seculis præterlabantur. Admiretur, sed cui oculi centum ut Argo, quibus tot paradisi candidatos valeat intueri. Extollat, sed cui tot aures quot Famæ, ut ipsos etiam lapides in eius laudem vocales audiat. Celebret, sed cui linguæ centum, quan-

quanta Babylonica turri; vt quaquà sol rotat
enis diffundantur præconia. Scribat; sed qui
centimanus Briareus, nec torpore languescens;
nec languore torpescens. Sed qui talem repe-
rire sit laudatorem? Magna laus, cum deest co-
pia laudantis, quia supereffluit materia laudis.
Silent linguæ? loquantur ergo manus (habent
enim & hæ linguas suas, quæ & oculos quoque
dicuntur habere). Noua laus, quando & si ipsæ
Athenæ in dicendo languescerent, nō languent
tamen operum ora; ipsa deficerent rostra, sed
non deficiunt operum voces; ipsū obmutescer-
et forum, at non obmutescunt operum linguæ,
loquaces semper semper vocales. Laudet te igitur
Ordo sacratissime in portis opera nō aliorū
certè, sed tua. Laudet te Sanctitas Angeli illius
diuini qui te instituit. Miracula ineffabilia san-
ctorum tuorum. Sanguis effusus Martyrū tuo-
rum. Monumenta Doctorum tuorum. Peni-
tèntia Anachoretarum tuorum. Puritas Sancti-
monialium tuarum. Suauitas amoris quo car-
teri Ordines te veneramur vt parentem. Barba-
ries nationum per tuos Doctores mansuetæ. Regna &
Prouinciæ infidelium per tuos alum-
nos iugo fidei subactæ. Tortuosus ille serpens
tuorum pede toties prostritus. Regia Chlamy-
des,

des, & Imperiales purpuræ cum vili tuo, sed sacro habitu commutata. Ecclesiæ tuis filiis desponsatæ. Tremendum Petri solium tuis commendatum. Ipsa cælestis Ierusalem per tuos reparata. Laudent te in portis opera tua.

Huic militiæ nomen dedit Honoratus? iam prædico Vates, Vaticinium audite. Non enervia, non effracta, non imbecilla; sed strenua, sed grandia, sed fortia ab illo fas est expectare, iamq; videre mihi videor illum aduersus Diaboli tyrannidem, prouocationis immittentem. chirothecam. Herculem tradunt cum in lucem istam vitalem è materni ventris carcere prolaberetur, clypeum habuisse cunarum vice; quo etiam modo Lacenas mulieres in suis puerperijs pro sellis clypeis vsas lego. At, si seculo nuntium mittentes rursus Deo nascuntur, dic sodes, quænam illorum matres, nisi spirituales præfecti, qui eos parturiunt donec Christus in eis efformetur? Tum ego: iste sacer Ordo seueriusculè tyrocinij tempore suos educat fetus. Viuere alieno nutu. Domitare ingenium disciplinæ flagro. Retrahere cor à diuitijs. Comprimere refractarios spiritus. Exultantem animum continere intra terminos modestiæ. Opere duro durare membra. Vigilijs, abstinentia, labore,

soli-

solitudine, flagellis, quasi agmine facto in car-
nis titillationes assurgere; papæ; quid est hoc
nisi clypeis cadentes e matrum gremio paru-
los excipere? Talibus ergo hic excipiuntur cu-
nis? talibus. Huiuscemodi alliciuntur blandi-
tijs? huiuscemodi. Infantuli? infantuli: ah
quid mirum si adolescentiores iam & viri, ani-
mo sint infracto, pectore impauido imperterri-
ti aduersus quæcumque ignea tela nequissimi,
& noui Hercules Lernæam hanc hydram ag-
grediantur, vulnerent, confodiant?

Talem Honoratum monstrabo vbi pauca
prius de eius scientia delibauero. Et vero, Au-
ditores, neminem vestrum qui hic adestis late-
re arbitror, quantum vtilitatis animus noster
ex negotioso litterarum ocio lucretur, cum
crebro multa caligine effusus, multa imbecilli-
tate compeditus, multa ignauia torpescens, per
ipsas erigit se ad suspectum Dei, proprijsque
stimulis excitatur ad cognitionem eius. Labo-
randum tamen est, sudandum, algendum: labo-
rauit, sudauit, & alsit iste puer, num frustra? fru-
stra? ego certe sentio si vnquam verum fuit
Hippiæ dictum, posse vnum omnia scire, id in-
vno, Honorato fuisse verum, sic non ad vnum
tantum, sed ad omnia naturæ eius ingenium.

Columna erat aurea in Foro quondam Romano
exposita Honoratus, vt ab illa omnes Italiz de-
riuantur viæ, sic ab isto omnia scientiarum,
& artium dogmata. Quò progrediendum ali-
cui in scientiarum acquisitionem itineranti?
Ad dicendi præcepta? ab hac illi columna iter
aggrediendum. Ad humanæ vitæ theatrum
quod est historia? Ab hac quoque. Ad harmo-
nicum concentum? ab ista. Ad paris & impa-
ris incrementa? & ab ista. Ad terrarum dimen-
siones? & hinc. Ad vestiganda naturæ arcana
elementorumque inter se fœdera? non aliunde.
Honoratus omniscius dicebat, narrabat, can-
bat, numerabat, mensurabat, docebat, ostende-
bat. At quod caput est, vera illa sapientia, pin-
gui animæ pabulo abundè abundè ditatus fuit
vera inquam, non inani, fluida, euanida, ymbra-
tili, cauaque verba vel calamistrata buccis in-
statis trutinante, quam ethnica philosophia tra-
dit, sed solida, firma, perenni, quam Christiana
Theosophia docet, habente quidem magnifi-
cas voces, sed animosas mox in rem transeun-
tes, quæque sic discitur, vt quæ fuerunt verba
sint opera. Itaque si Philosophi nescio cuius se-
pulcro, discipulo iubente, syrenes insculpta bel-
lux insidens, sugillante nimirum illo magistri
sapien-

41
sapientiam, qua pessimè usus cùm homines bel-
luas efficeret. Ego, si mihi datum, Honorati se-
pulchralem lapidem, syrene insculpendum iu-
berem; sed homini insidente, quippe cuius sa-
pientia belluas homines faciebat. Sexcenti ad
eum accessere volutati in ceno libidinum, arie-
tantes inter se arma, madidi sanguine, omni de-
miq; viriorum fæce fædè conspurcati, & tamen
recessere casti, amantes, puri, multicoloribus
virtutum violis nitentes, Maecte virtute! maecte
sapientia Honorate!

- Et carmine rursus suprâ quàm dici potest de-
lectabatur, delectabatur, & ad efficacius demit-
tenda in aliorum animum præcepta utebatur,
ut enim & Cleanthi placuit, quemadmodum
spiritus noster clariorem sonum reddit cùm
illum tuba per longi canalis angustias tractum
patientiore nouissimè exitu effundit; sic sensus
nostros clariore carminis arcta necessitas effi-
cit: eadem negligentius audiuntur minusque
percutiunt quandiu soluta oratione dicuntur;
ubi accessere numeri, & egregium sensum a-
strinxere pedes, eadem illa sententia velut la-
derto excussa torquetur. Talia eius carmina ut
audacter sim dicturus, posse in eius laudem ec-
lebre illud Ciceronis elogium commutari, hoc
est,

est, Demosthenes tibi præripuit ne primus esses orator, tu illi ne solus : audacter dicam, Homerus tibi Honorate præripuit ne primus esses pœta, Homero tu Honorate ne solus. Pangebatur semper, carmine quasi sale solutam orationem condiens; faciliusque Ioui fulmen, Herculi clauam, quàm huic Homero, versum (terna antiquorum adynata) auferre. Quando in lucem edebatur infantulus, & non ipse ceu nutrix nœnia canebat? Quando demoriebatur quispiam, & non ipse vt præfica lamentabatur? Quando lasciuebat alius, & non ipse carmine quasi Dorico cantu eum compescebat? Quando despondebatur Christo virguncula, & non ipse epithalamium canebat? Quando in album sanctarum ascribebatur Beata, & non ipse in suis fastis conscribebat? Quando triumphabat de teterrimo hoste Benedictus & non ipse canebat, Io Triumphæ? Cecinit cecinit Abbas quattuor libris Benedicti de Sathana triumphos. Vbinam sunt? inquires: lucem adhuc non aspexerunt. Aspicient? quidni? totus id expectat Ordo. At auctor migravit è viuis? Si commeauit certè aliquorsum abiit. Quonam? in Cœlum. Et ad Benedictum patrem? ad Benedictum. Num illi id operis ostendit? certe obsequens patri filius

lius, patris gesta patri obtulit. Et pater? filij laborem æqui bonique consuluit. Hoc tantum: non solum, quin, & manu carmina subscripsit sua. Iam rem teneo, Tali obfirmata signaculo nobis mortalibus tradentur legenda: de fide gestorum securi, toti in pœsim rapiemur eius suauitate allecti maiestate arrepti. O' cygneam vocem; cygneum cantum; nam oloribus similes esse pœtas, pœtarum princeps asseruit, vtriq; enim niuei, vtrique canori, vtrique chari Musis, vtrique grati Phœbo, vtrique gaudent limpidis amnibus; nisi id solum inter pœtam Honoratum, & cygnum sit discriminis, quod olor albescit penna nigrescit pelle, niueus plumæ carne niger: at cygnus meus albus veste, carne nitidior; extrorsum candidus, candidior introrsum.

Interea dum ab his remittendum esset, ne labefactrix virtutum omniū desidia in animū irrueret suū, Pictoriæ vacabat, hoc est de pœsi ad pœsim, vel de pictura, ad picturam transferbatur, nam pœsis loquens pictura, pictura silens pœsis. Antiquiore seculo cum furentes Imperatores Iconoclastæ in sacras imagines debaccharentur, pictitabant Catholici, etiam Religiosi, etiam Episcopi, nimirum vt exulantem veri-

veritatem adorandarum, Imaginum, cordibus
exciperent suis imprimerent alienis : non hanc
ob causam pingebat Honoratus; cur ergo ? Reor
ut absentiam optati Numinis diuini quocum-
nisi carnis sarcina exoneratus copulari non po-
terat, solaretur. Sponsam vide absente sponso
moræ impatientem hæc illac circumcursan-
tem, in obuios quosque occurrentem, in imagi-
nes interim, illius memoriam renouantes, &
desiderium absentiae falso atque inani solatio
leuantes, oculatissimum, sic iste in Diuinis. Mi-
retur porro aliquis autodidactum pictorem
fuisse Honoratum, hoc est, à se ipso edoctum :
ego verius illum appellabo pictorem Theodi-
dactum, hoc est, à Deo edoctum ; neminem ho-
minum habuit præceptorem, Deum tamen ha-
buit magistrum. Quis docuit psittacum chæ-
re ? interrogabat ille, & audiebat, Magister artis
vener, Quis docuit Honoratum pingere ? Dea
machinatrix Charitas, porro Deus charitas est;
Imprimendæ erant internæ imagines ? impri-
mebat Amor ? Exprimendæ externæ ? expri-
mebat Amor. Commiscendi colores ? commis-
cebat Amor : Regendum pennicillum ? rege-
bat Amor. Delineandæ lineæ ? delineabat
Amor. Distinguenda membra ? distinguebat
Amor.

Amor. Amor proxima, longinqua, lumina,
vmbraſ effingebat.

Tanti eſt charitate efferueſcere diuina: tan-
ti, & tamen quid ſunt iſta ſi ijs quæ animam
Honorati cohoneſtarunt virtutibus comparen-
tur? In quas Auditores, dum mentis oculum
figo, rem eſſe video quam nulla eloquentia ex-
plicare queat, vt non tam laudandus ſit qui eas
enumeret, quàm excuſandus qui minimè; plura
enim veniunt quàm quibus oratio vna ſufficiat,
ipſa ſibi obſtante rerum magnitudine, Eas lit-
terarum æternitas loquetur, & poſteritas vacil-
lante fide obſtupet. Exanguē os conſectum
ieiunijs: Suauitas in moribus: Vigilia in cura:
Sermo ſilens: Silentium loquens: Titubatio in
proprijs: Alacritas in alienis: Rigor in cuſto-
dia diſciplinæ: Diſtriſctio in corpore caſtigand-
do: Inconcuſſa fiducia in Deum: Fulcire la-
bantia: Secunda temperare: Aduerſa commi-
nuere: Alijs admiranda deſpicere: Peregrino-
rum ſuſceptio: Pauperum deſenſio: Languen-
tium viſitatio: Manuum labor: Errantium re-
uocatio: Orationis iacula: Patientiæ conſtan-
tia: Humilitatis profunditas: Diuitiarum de-
ſpectus: Animarum zelus. Quis vnquam vacua
ab eo receſſit manu: ſi diues, conſilium, ſi pauper,

D

auxi-

auxilium reportabat. Infirmus erat aliquis corpore? portabat eum. Pusillus corde? confortabat eum. Piger & desidiosus? excitabat eum. Improvisus, & obliuiosus? commonebat eum. ò in maximis & in minimis semper maximus! Denique, basis illa virtutum, hæc est, in Deum resignariis, radiata illius mentem collustrauit. Nunc audire mihi videor Honoratum in Dei aures sic personantem. Age ò Deus præi, sequar: ducito, veniam: trahe, currâ: qua tu vis persona personatus prodeam, egredior: quam libet vestem circumdato, superinduo: quam libet figuram imprimito, mollesco: sessorem te habeo, ceruicem non erigo, lorum stringe, non recalcitro: percutis, acquiesco: dulcescis, gaudeo: languefacis, annuo: sanas, hilaresco: exaltas, exulto: deijcis, consentio: meum velle nolo, tuum nolle volo: non expecto hoc à te audire quod volucro, immò potius hoc velle, quod à te audiero. Flammescens animi exardescencia verba sunt ista, quippe cum Amor in illum ignea tela certo esset iaculatus arcu, populabatur viscera illius. Verè mellifluus Doctor exclamare potuit. O iugum sancti Amoris, quàm dulciter capis, gloriose laqueas, suauiter premis, delectanter oneras, fortiter stringis, prudenter erudis!

Ad

Ad hanc amissim, ceteros D. Benedicti filios
satagebat exequare Honoratus, libello quem
scripturiebat, cui titulus futurus, Monachus;
mors immatura, libello abstulit lucem, at vobis
Patres, quibus dicandus, ne apicem quidem
monitorum: non est editus libellus, extat ta-
men opus: defunt atramento exarata præcepta,
adsunt Honorati exempla, Honoratum recolite,
librum habetis, cui legendi naucetur opera:
sedula: eius quippe sermo, euangelium: canticum,
psalmi: deliciae, continentia: vitaque documentum
relligionis, norma claustrum, virtutum
exemplar. Seneca moriens uxorem, & liberos
alloquitur, Quod unum iam, & pulcherrimum
habeo, imaginem vitae meae vobis relinquo.
Imaginem vitae Honorati habetis, imaginem
virtutis, hanc intueamini; imaginem inquam,
non abeuntem, sed constantem, non evanescentem,
sed se ipsam æternantem.

Sed, heu ineluctabilem mortis necessitatem!
iactantur cuncta, perenni rerum in se remeantium
orbe, in tanta tamen volutatione nihil
cuiquam certum, nisi Mors: natura, quod commune
fecit, æquale faciente, ut crudelitatem
fortis, solaretur æqualitas. Quàm vere dictum,
Nullum sine exitu iter! Cui nasci contigit

C 2 mori

mori restat. Nascimur, vt denascamur. Febris inuadit Honorati mei corpusculum, abstinencia, vigilijs, contemplatione tabefactum: sciens in manu Domini esse sortes hominum, iubet effundi coram illo preces assiduas; effunduntur, & omnes ad Magnum medicum, tamquam ad supremam opem confugimus: at febris exurens (iam ipsa doloris ingredior viscera) grassatur: passus est acerba languoris, amara infirmitatis, vitæ mortalis ærumnas: Iam vicina illi mors prænunciatur; lætanter it obuiam nuncio, intrepidè horam illam decretoriam expectat, exultat in morte, insultat morti; corpus inquit, meum, migraturus habitabam: dies iste quem velut extremum formidant alij, æterni natalis mihi erit: iter sum arrepturus, date viatori cibum: in arenam descensurus, oleum præbete, quo vngar: cibatus est, vnctus est; quibus lachrymis? quo affectu in Deum? testor fidem, bini ex arctiori D. Francisci instituto affuere, ad stare diutius morienti optabant, non opis ferendæ gratia, nec enim erat opus, aderant & sui, & ipsemet sibi sufficiens, sed tantùm (testati sunt ipsi) vt benè mori discerent. Totus in Cælum, rotus in cœlestia defixus. Intuitus aliquando summa macie confectas manus, ad adstantem

stantem conuersus, heus? inquit, collatate me-
cum, paruulesco, spes datur intrandi cœlum,
quod nisi paruulis effectis minimè patefeit.
Dicentique sibi aduersperascente iam die, Cra-
stina, Pater, iterum me tibi sifter, Ah, inquit, cur
ita iniurius in me, & morientem? Crastina, &
ista, ista, inquam nox illuminatio mea in deli-
cijs meis. Sic certè fuit: media nocte fit cla-
mor, sponsus adest Angelorum stipatus myria-
de, dilectamque sibi sponsam Honorati ani-
mam, in cœlestem thalamum introducit. Ho-
noratus obiit? heu! heu! Honoratum amisi-
mus? erumpe gemitus, quid cunctaris? erum-
pite lachrymę iam pridem cupientes, commea-
uit qui vobis meatum obstruxerat: erumpite,
licet enim priuatum sit funus, fletus tamen est
publicus, sit ergo fletus diurnus, qui vniuer-
sorum est fletibus consecratus. Immature tui
obitu Honorate dulcissime, nostrę fuisti volu-
ptatis occasus. Ideo cessare non poterunt la-
chrymę, sed ad omnem sonum nominis tui
surrepent: sine te esse non possumus, & sine te
esse cogimur, ideo tui sine lachrymis meminisse
non possumus. Non dulces quærimus lachry-
mas, quibus animi ardor restinguatur, & quasi
relaxatus euaporet affectus, fletus quærimus
non

non solum indices amoris, sed & illices doloris: ò Scythiæ si staret consuetudo populorum? quando demetente charissimos morte, vltro eam superstites appetebant, vt coniunctus cinerum cinis, vna contegerentur vrna, quorum fuerat vita dilectione coniunctissima; tecum certè totus commoreretur Oliuetanus Ordo, tecum tota conspeliiretur Veronensis Ciuitas. Meum præcipue pectus ita Honorati mors lancinauit, vt auulsa doleam à me viscera mea. Dimidium animæ meæ perdidisti: horrore est mihi vita; quia nolo dimidius viuere; & tamen mori metuo, ne totus ille moriatur quem amabam. Lachrymis vitam cupio claudere meam: sed ancipiti consilij lance demori nolo, ne perpetui gemitus solatio destituatur. Vtinam vt cibo, potu, somno, sic daretur lachrymarum imbre vitam enutrire. Nestoreos ex his lachrymis pro Honorati mei morte fundendis, mihi promitterem annos.

Attamen Auditores, nullas habeant lachrymarum ferias, qui nullam putant mortuorum requiem: nobis quibus in melius natura mutatur, fletus omnes abstergantur. Honoratus iam ereptus huic turbæ, colluuiioni, caligini, indutus in cælestes sedes, perfruitur perenni illa luce, perspicuè sincera, liquidè serena; insertus est fami-